


Vanten ge Mwe Hel Saavi Vanten Rrute

*Leipaki Hekar nge ma rrhu
sasaarōan ge li*



*Willie Luen nge ma rrhu nonon
sasaarōan ge li*

**DESKRIPSEN
LEVEL 10**

Ministri ne Yekyaan te Wuhuran
Rebablik ne ḫorr Vanuatu

Marin konkon temyan tomo
hu kirine rahan te mwenarō
teere vehen hu. Mōrō teter fon
mwenarō teere vehen bya te ma
me lam.

Nge mwe nangnang rru ge eb ye,
Temyan lon mwe jeene eb teene
mwenan yafu tehu ge eba ktu
ribii.

Nge mwe rrinrrin mwe lam te me
fe, “Si nge be vanten helhel rru
ran tan ge fyan ge a? Nam rrō
rrme turr ge yal.”





Temyan Tomo bya lhe yal te fe ge,
“Mweneng teere vehen lon mwe jeene
eba ktu vanten helhel tehu.”

Yal me fe, “Ni nam hel, te sirōrōo mwe
hel saavi ni. Bone rro koōfo ni, vanten
nyer err tlo nga rro lhe ni.”



Ngate Temyan Tomo bya lhe sirōrō te fe, “Mweneng teere vehen hu mu rru, te lon mwe jeene ge eb yene yafu helhel tehu.”

Sirōrvō me fe, “Bu ten nga rru, nam hel te barrling mwe hel saavi ni. Nge rrō uu ni bha en ūrr bonga.”

Ngate Temyan Tomo bya lhe barrling,
“Mweneng teere vehen hu mu rru, te lon
mwe jeene ge eb yene yafu helhel tehu.”

Barrling me fe, “Fetinan, ni nam hel, nam
rro uu kuku liye te im me fyan. Te vantен
hu mu rru ge mwe hel saavi ni. Nge be
verr.”



Ngate Temyan Tomo bya lhe verr,
“Mweneng teere vehen hu mu rru te
long mwe jeene ge eb yene yafu helhel
tehu.”

Verr mwe fe, “Fetinan, ni nam hel te
vanten hu mu rru ge mwe hel saavi ni
mōn be. Nge ro kil fyang.”

Temyan Tomo me fe, “Lo si nge vantен
ge le?”

Verr me fe, “Nge be tomo ge mu rrurru
lon liliōl.”







Ngate Temyan Tomo ge a bya teene
tomo ge le te bya je me besaō.



Ngate tomo ge a mwe yene teere vehen
tomo ge le te mōrō ho lon rongne bu an
ngamtō.